



Pou Piblikasyon Imedya: 26/06/2022

GOUVÈNÈ KATHY HOCHUL

**GOUVÈNÈ HOCHUL SIYEN LEJISLASYON NAN LONÈ MWA FYÈTE LGBTQ+ YO
EPI ABILITE AJANS ETA NEW YORK YO BAY PLIS SIPÒ POU NOUYOKÈ
LGBTQ+ YO**

Etabli Fon Byennèt ak Ekite Lorena Borjas nan yon efò istorik pou konstui ekite pou kominate transjan an

Ratifye an Iwa sou bilten vòt enklizif ki pèmèt moun yo pa idantifye antanke yon sèks binè pou poze kandida pou pozisyon nan pati yo

Ajans Eta yo pibliye pwogram yo, ki abilite pa Gouvènè Hochul, ki amelyore kad vi Nouyòkè LGBTQ+ yo atravè Eta New York

Moniman istorik yo pral limen jiska fen mwa jwen

Gouvènè Kathy Hochul te siyen twa pwojè Iwa jodi a ki onore Mwa Fyète LGBTQ+ la. Lejislasyon S.8884-A/A.9418 la tabli Fon pou Byennèt ak Ekite Transjan Lorena Borjas la pou sipòte òganizasyon ki bay sèvis ki enpòtan pou transjan, moun ki pa konfòme ak sèks, ak kominate non-binè a. Lejislasyon S.6901-B/A.7933-C a ap ajoute yon sèks X non binè nan opsyon potansyèl pou deziyasyon sèks nan pozisyon ki eli ki egzije pou moun ki eli yo nan sèks diferan. Li asire ke Nouyòkè ki pa binè yo ka patisipe konplètman nan sistèm demokratik nou an. Anplis, Gouvènè Hochul te mande pou yo limen moniman istorik Eta New York yo nan koulè drapo fyète LGBTQ+ ak drapo transjan an pandan divès sware jiskaske mwa Fyète a fini, k ap demontre solidarite eta nou an ek kominate LGBTQ+ a. Anons sa yo apiye gwo avansman nan egalite LGBTQ+ ki te fè pati Bidjè Ane Fiskal 2023 ki te adopte a.

"New York se plas nesans mouvman dwa LGBTQ+ epi li te toujou yon lidè nan avansman egalite ak jistis pou Ameriken LGBTQ+ yo, men ofisyèl ki eli nan lòt eta yo ap itilize pouvwa yo pou retire dwa sa yo," **Gouvènè Hochul te deklare.** "Jodi a, mwen fyè pou siyen lejislasyon ki fè egalite ak ekite avanse pou kominate LGBTQ+ a. Lè nou tabli fon an epi abòde pwoblèm inegalite Nouyòkè ki pa konfòme ak sèks ak non-binè yo ap eksperimente yo, nou ka asire ke eta nou an se yon kote ki an sekirite epi k ap afime l vreman pou chak moun epi yo tandé vwa tout moun."

Lejislasyon S.8884-A/A.9418 la tabli Fon pou Byennèt ak Ekite Transjan Lorena Borjas la pou sipòte òganizasyon ki bay sèvis ki enpòtan pou transjan, moun ki pa konfòme ak sèks, kominote non-binè a ak entèsèks la (TGNCNBI). Bidjè Ane Fiskal 2023 a gen ladan 13.5 milyon dola pou Depatman Sante - yon ogmantasyon 8 milyon dola nan ane fiskal presedan an - pou sipòte kominote LGBTQ+ la ak rezo founisè yo, avèk sèvis sante dirèk, edikasyon ak fòmasyon nan konpetans kiltirèl, devlopman kapasite òganizasyonèl ak inisyativ sou byennèt trans-seksyèl. Sa enkli 2 milyon dola, amplis 1 milyon dola ki soti nan lejislati a, k ap sèvi kominote TGNCNBI a, konfòmeman ak objektif pwojè lwa sa. Lorena Borjas, ki te pèdi nan COVID la an 2020, te yon defansè dwa transjan yo nan Queens ki te devwe lavi li pou sipòte imigran transjan yo, ke anpil nan yo te pran lafwit kont opresyon transfobik nan peyi natal yo. Li te ede fanm trans ki eksperimente povrete, trafik sèks, ensekirite alimantè, ak lòt ekite. Lè li tabli fon sa, eta nou an ap apiye eritaj Lorena.

Lejislasyon S.6901-B/A.7933-C egzije pati politik yo chanje règleman yo pou pèmèt moun ki pa idantifye tèt yo kòm yon sèks binè pou yo eli nan pozisyon pati yo. Aktyèlman, règleman pati yo ka egzije pou kandida yo chwazi "gason" oswa "fanm" lè y ap chèche antre nan fonksyon, ki ekskli moun ki pa binè yo oswa egzije yo chwazi yon sèks yo pa idantifye yo ak li. Lejislasyon istorik sa asire ke Nouyòkè ki pa binè yo ka patisipe konplètman nan sistèm demokratik nou an, epi ke pati politik eta yo gen opòtinite pou reflete vrèman divèsite eta a.

Senatè Eta a, Brad Hoylman te deklare, "Mwa Fyète a ap fini ak yon detonasyon ak pake lejislatif adapte epi pwisan sa de Gouvènè Hochul. Mwen onore ke pwojè lwa mwen an ki enkli mwayen pou kodifye Fon pou Byennèt ak Egalite Transjan ak Sèks ki pa Binè Lorena Borjas la an yon pati enpòtan nan Lwa Eta nou an. Eta a te alwe 3 milyon dona nan bidjè ane sa pou bay lojman, resous pou sante mantal, sèvis sante, ak inisyativ kiltirèl pou popilasyon ki pi vilnerab nou yo. Jodi a, n ap di, awotvwa epi byen klè, ke Nouyòk p ap rete ap gade sou kote pandan y ap atake timoun trans yo nan tout peyi a. Gras ak efò ekstraòdinè defansè ak Lidè Majorité Sena a Stewart-Cousins, New York ap toujou yon plas ki sekirize pou kominote LGBTQ+ a."

Deklarasyon Senatè Eta a Zellnor Myrie. "Demokrasi nou an pi solid lè chak moun ka patisipe epi gen yon syèj sou tab la. Pandan lòt eta yo ap adopte lwa pou fè diskriminasyon kont transjan ak moun ki pa binè yo, mwen fyè ke New York ap brize baryè yo pou nenpòt moun ka bay elektè yo agiman yo epi sèvi kominote yo. Mèsi ak Gouvènè Hochul dèske li siyen pwojè lwa enpòtan sa a".

Manm Asanble Catalina Cruz te deklare, "Ki pi bon mwayen pou komemore Mwa Fyète a, epi ki pi gran fason pou onore zanmi chè mwen ak defansè pou popilasyon TGNCNBI a, pase lè mwen ratifye Fon pou Byennèt ak Ekite Transjan Lorena Borjas la. Mwen onore dèske mwen te mennen pwojè lwa sa nan lacham mwen an, ki te adopte ak anpil sipò nan sesyon lejislatif sa. Popilasyon TGNCNBI an fè fas ak eka sosyal ki genyen ladan yo to chomaj ki wo, ensekirite alimantè, enkyetid pou sante mantal, ak lojman enstab. Kriz ekonomik lan ke COVID-19 la te presipite a te gen yon enpak espesyalman negatif sou moun TGNCNBI yo ki te deja ap gouman anvan

pandemi an. Fon sa abòde bezwen sa yo lè nou mete sou kote lajan ki fokalize sèlman pou ede popilasyon TGNCNBI an. Mwen vle remèsye Gouvènè a pou patenarya li a, ansanm ak angajman li pou ogmante lajan pou fon an. Mwen rekonesan anpil tou a pwomotè Sena a Brad Hoylman, ki te goumen san rete pou adopte pwojè Iwa sa pou yo ratifye l. Finalman, mwen vle remèsye defansè yo, ki t ap travay sou koz sa pandan plizyè deseni epi ki pa t jamn renonse a rèv Lorena a ke yo dwe trete epi sousye de popilasyon TGNCNBI nan fason yo merite a."

Manm Asanble Jessica Gonzalez-Rojas te deklare, "Nan yon moman nan peyi sa lè dwa omoseksyèl, transjan, moun ki pa konfòme ak sèks, ak moun non-binè yo ap rekile, peyi a ap vire vè eta tankou New York pou aksyon ak lespwa. Se poutèt sa mwen kontan ke yon ratifye Lwa sou Bilten Enklizif la an Iwa jodi a. Pandan dwa kominate yo ap depouye, pwojè Iwa mwen an ap ede moun non-binè yo konstui pouvwa nan New York lè yo kapab poze kandida pou yon pòs nan pati politik epi angaje nan fason ki enpòtan nan pozisyon eli yo. Mwen vle remèsye tout defansè yo dèsko yo te goumen pou jounen sa te rive. Mwen rekonesan anvè Senatè Myrie pou patenarya li a sou sa, Prezidan Heastie dèsko li te ede nou avanse li, ak Gouvènè Hochul dèsko li ratifye li an Iwa. Malgre tout kontretan k ap rive, mouvman sa ede nou pwogrese, leve kominate LGBTQIA a, epi santi reyèlman yon sans fyète ki solid nan angajman nou pou egalite nan New York."

Moniman Eta a k ap limen yo pou rekonèt Mwa Fyète LGBTQ+ la soti 23 rive 30 jen yo se:

- One World Trade Center
- Pon Gouvènè Mario M. Cuomo (Governor Mario M. Cuomo Bridge)
- Pon Kosciuszko (Kosciuszko Bridge)
- Batiman SUNY H. Carl McCall (The H. Carl McCall SUNY Building) lan
- Batiman Edikasyon Eta a (State Education Building)
- Bilding Biwo Leta Bilding Alfred E. Smith la
- Empire State Plaza
- Pak Ekspozisyon Eta - Pòtay Prensipal ak Sant Ekspozisyon
- Chit Nyagara
- Pon Franklin D. Roosevelt nan Mid-Hudson
- Tèminal Grand Central (Grand Central Terminal) la - Vyadik Pershing Square (Pershing Square Viaduct) a
- Pòtay Entènasyonal Ayewopò Albany
- Konplèks Olenpik pou Sote Lak Placid (Lake Placid Olympic Jumping Complex)
- MTA LIRR - East End Gateway nan Penn Station

Moniman yo ap limen nan koulè drapo lakansyèl la nan dat 23 jen, 25 ak 26 jen, 28 jen ak 30 jen. Tout lòt jou yo ap nan koulè drapo transjan an.

Mwa pase a Gouvènè Hochul [te anonse](#) ke Nouyòkè yo gen opsyon kounye a pou chwazi "X" kòm yon sèks sou lisans chofè yo, pèmi kondui yo oswa kat idantite pa chofè yo nan tout biwo Depatman Veykil a Motè yo (Department of Motor Vehicle) nan

tout eta a. Chanjman an te aplike dapre Lwa sou Rekonesans Sèks New York -- lejislasyon istorik sa bay plis pwoteksyon pou Nouyòkè trans-seksyèl ak non-binè yo atravè chanjman sa nan DMV epi nan rann li pi fasil pou popilasyon an chanje non yo, chanje deziyasyon seksyèl yo ak chanje sètifika nesans yo pou reflete idantite yo.

Anons sa yo vini apre [gwo avansman](#) nan ekite LGBTQ+ Gouvènè Hochul te batay pou li a epi ki garanti nan Bidjè Ane Fiskal 2023 Eta a ki te Adopte a. Bidjè a gen ladan 13.5 milyon dola pou Depatman Sante a (Department of Health) sipòte kominate LGBTQ+ la epi plis pase double finansman anyèl Sèvis Sante ak Sosyal pou LGBTQ+. Anplis de sa, Bidjè a gen ladan lejislasyon ki egzije ajans yo nan eta a pou bay yon opsyon pou moun yo make sèks yo kòm non-binè "X" sou tout fòmilè ki kolekte enfòmasyon sou sèks. Y ap mande ajans yo antre enfòmasyon sa nan koleksyon done yo tou. Bidjè a pèmèt trans-seksyèl Nouyòkè yo tou pou yo chanje non oswa deziyasyon seksyèl yo sou sètifika maryaj yo san kite non mouri yo ladan.

Direktris Egzekitif New Pride Agenda, Elisa Crespo, te deklare, "Jodi a se vrèman yon jounen istorik pandan n ap siyen fon pou Byennèt ak Ekite Trans ak Non-Binè Lorena Borjas a an lwa k ap kreye yon envestisman 3 milyon dola nan òganizasyon trans yo dirije yo nan New York. Objektif nou pou defann fon sa te toujou pou ankouraje nouvo lidè trans ak lidè k ap emèje, epi fon sa ap fè sa menm. Sa ki pi empòtan, pou premye fwa nan listwa, y ap rekonèt Trans Nouyòkè yo bidjè eta a epi sa merite selebre. Nou remèsye Gouvènè Hochul dèské li ratifye pwojè sa an lwa."

Direktè Egzekitif Equality New York la, Amanda Babine, te deklare, "Byenke te gen atak sou kominate LGBTQI a mwa sa epi dwa nou ak pou vizibilite nou toupatou nan eta a, nou gen chans genyen yon lidè ak yon alye tankou Gouvènè Hochul. Li kontinye montre Fyète li ak patenarya li lè li siyen pwojè lwa ki sove lavi sa yo."

PDG SAGE la, Michael Adams te deklare, "SAGE kontan anpil pou wè Gouvènè Hochul ratifye pwojè lwa sa an lwa, ki deziyen gramoun LGBTQ ak gramoun k ap viv ak VIH nan New York yo kòm popilasyon bezwen sosyal ki gran. Lwa sa ap ede asire ke tout gramoun Nouyòkè LGBTQ+ ak VIH yo ka gen aksè nan sèvis yo bezwen pou yo vyeyi ak diyite ak sipò yo merite yo. Nou remèsye Gouvènè Hochul dèské li ratifye pwojè sa an lwa epi mwen bat bravo pou lidèchip Senatè Brad Hoylman, Manm Asanble Harry Bronson, ak lejislati Eta New York la dèské li adopte lejislasyon sa. Jodi a nou franchi yon etap empòtan vè enklizyon konplè ak egalite pou gramoun LGBTQ+ yo."

Direktè Egzekitif Destination Tomorrow a Sean Coleman te deklare, "Fon pou Byennèt ak Ekite Trans Lorena Borjas se yon pati ki empòtan nan kastèt la pou asire ke tout Nouyòkè TGNC yo gen aksè nan sèvis sekirite, ki afime, kèlkeswa kote yo rete nan eta. Mèsi Gouvènè Hochul, pou lidèchip ak angajman kontini ou ki ouvri yon wout vè yon kominate ki pi enklizif pou frè ak sè koulè omoseksyèl ak trans nou yo ki santre nan avansman sa yo."

Direktè Egzekitif New York City's LGBT Community Center, Glennda Testone, te deklare, "Nan yon moman lè n ap temwen ke n ap tounen dèyè nan pwoteksyon depi lontan ak atak an blòk kont dwa LGBTQ yo atravè peyi a, nou ankouraje ke Eta New York pran mezi ki nesesè yo yon fwa ankò ke kominote nou an sipòte antyèman, an sekirite, epi afime. Nou bat bravo pou envesti istorik Gouvènè Hochul pou sipòte dirèkteman Nouyòkè TGNCNBI yo, angajman kontini pou fè efò enklizif yo avanse k ap pèmèt Nouyòkè LGBTQ yo vyeyi ak diyite ak respè yo merite, epi asire vizibilite ak afimasyon tout moun LGBTQ yo pou politik eta nou yo ak sisyete a rekonèt imanite nou."

Émilie Decaudin te deklare, "Mwen tèlman rekonesan ak Gouvènè Hochul, Manm Asanble Gonzalez-Rojas, ak Senatè Myrie dèsk yo ede pote pyès lejislasyon enpòtan sa nan liy final la. Pandan plizyè deseni, Nouyòkè non-binè yo te ekskli legalman nan fòm ki pi fonadamantal patisipasyon politik nan eta nou an. Ak siyati Lwa ou Biltan Enklizif la an lwa, sa fini jodi a."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)